



Doris Jakobsen Jensen  
Inatsisartunut ilaasortaq, Siumut

**Danmarkimi Kalaallit Illui pillugit § 37 naapertorlugu apeqqutip nr. 071/2023-p  
akineqarnera**

Ulloq 11-04-2023  
Suliap normua 2023 - 7126  
All. nr. 22921996

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Doris Jakobsen Jensen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqquut 1:**

**Namminersorlutik Oqartussaniit, taamaasilluni inuiaqatigiinniit, "De Grønlandske Huse i Danmark"-imut qanoq annertutigisumik katillugit aningaasaliisoqartarpa? Aningaasat siunissamut amerlinissaanut pilersaaruteqartoqarpat ilanngullugit saqqummiuteqquneqarput.**

**a. Tassannga "De Grønlandske Huse i Danmark"-imut taamatut aningaasalersorneqarneranut suut tunngavilersuutigineqarnerat akeqquneqarpoq, taamatuttaaq aningaasalersorneranut piumasqaatigineqarsimasut akeqquneqarput.**

**Akissut:** Namminersorlutik Oqartussat Kalaallit Illuinut ukiumut tapiissuteqartarput. AI2023-mut konto 40.90.02-mi aningaasanik 20.025.000 kr-inik 2023-mut uningasuuteqarpoq.

Inatsisartut aningaasanut inatsimmik akuersineranni tapiissutit amerlassusilerneqartarput. Naalakkersuisut piffissami matumani tapiissutit siunissami amerlineqarnissaanik pilersaaruteqanngikkallarput.

Danmarkimi efterskolertut aqqutissiuunneqartarnissaanut ilanngullugu ukiumoortumik tapiiffigineqartassaaq. Aningaasanut inatsit kontoa 40.10.12 aqqutigalugu aningaasat kr. utertinneqassapput. Atuartumut ataatsimut 281,- kr.-it qaammammut utertinneqartarput.

Tapiissutitut annertunerusumik piumasqaateqanngilaq, aningaasanulli inatsimmi missingersuutitut ilanngunneqarpoq, Danmarkimi ilinniaqqiffinnut kalaallit qinnuteqarnissaanut suliassat kalaallit illuinit ingerlanneqartassasut, ilaatigut ilinniagaqarnerisuteqarnermut inatsisitigut allaffissorneq, inuit ataasiakkaanut eqimattanullu aqqutissiuussinissamik, allanillu suliqaarnissamut soorlu inissarsiornissamut meeqqanullu paaqqinniffissarsiornissamut tunngatillugu aqqutissiorneqarnissaaq. Tamassuma saniatigut højskolertunut taamatullu danskit inuussutissarsiutitut ilinniarfianni sivikitsumik ilinniagaqartunut, saniatigut isumaginninnermut tunngasunik suliassarpassualinnut, kalaallit illuutai ikorsisarpur

ilitsersuillutillu. Tamatuma saniatigut Kalaallit Illui kalaallinut illoqarfimmi najugarisap eqqaani najugaqartunut inunnulu Kalaallit Nunaannut soqutigisaqartunut sunngiffimmi attaveqaataallutillu katersuuffiusarput, kiisalu kalaallit kulturiannik inuiaqatigiinnermullu tunngassuteqartunik paasisitsiniaasarlutik. Kalaallit Illui aamma Danmarkimi kalaallit peqatigiiffiitunut ataatsimoortarfiupput, soorlutaaq AVALAK kalaallinut Danmarkimi ilinniartunut peqatigiiffiusoq illuni allaffissaqartinneqarluni.

**Apeqqut 2:**

**Namminersorlutik Oqartussat qanoq “De Grønlandske Huse i Danmark” ingerlanneqassanersut, soorlu atorfinitsitsinernut allanullu, oqartussaassuseqarpat? Uani Namminersorlutik Oqartussaniit naalakkiisinnaatitaaneq (“instruktionsbeføjelse”) apeqqutigineqarpoq.**

**Akissut:** Kalaallit Illui suliffeqarfiupput imminut pigisut, namminersorlutik ingerlasut Namminersorlutik Oqartussat aqqissuussaananeranut atassuseqarnatik. Taamaattumillu Kalaallit Illuutaasa atorfinitsinneqarnermi atugassarititaasut pissutsillu allat sinneri, atorfeqarnerup nalaani atugassarititaasut soraarsitaanerillu eqqarsaatigalugit, allattoqarfimmi sulisut aalajangersakkanut ilaatigut ilitsersuinissamik piginnaatitaqarnerit, Namminersorlutik Oqartussaniit piginnaatitaaffigineqanngimmata atuutinngillat. Namminersorlutik Oqartussat sulianut atatillugu ilitsersuinissamik ilinniagaqarnerisutit pillugit maleruagassanut allaffissornikkut piginnaatinneqarpoq, Namminersorlutik Oqartussat § 27, imm. 3 Inatsisartut peqqussutaanni nr. 5 14. november 2004-meersoq, ilinniagaqarnerisiantunut tunngasoq, 2006-imi isumaqatigiissut tunngavigineqarluni Kalaallit Illuutaannut suliakkiissutaavoq, takuuk apeqqut nr. 3-mut akissutaasoq.

**Apeqqut 3:**

**“De Grønlandske Huse i Danmark” pisortaqarfittut ingerlappat, tassannga Namminersorlutik Oqartussat sinnerlugit sulianik ingerlanneqartunut aalajangiisinnaatitaappat?**

**a. Danmark-imut nunanulluunniit allannut ilinniariassagaanni, qanoq ilinerani “De Grønlandske Huse i Danmark” pisortaqarfittullu assigisaanillu iliuuseqarsinnaalertarlutik sullissisunngortinneqartarpat?**

**Akissut:** Ilinniagaqarnerisutit pillugit inatsimmi § 34, imm. 1-imi allaqqavoq, ilinniagaqarnerisutit inatsisaat Naalakkersuisunit allaffissornikkut tunngaviummik ingerlanneqartut. Saniatigut § 34, imm. 3-mi aalajangersarneqarpoq, suliffeqarfinnut namminersortunut maleruagassaani allaffissornikkut suliasat ilaatigut suliffeqarfinnut namminersortunut suliassiissutigineqarsinnaasut. Ullumikkut tamanna pillugu allakkatigut isumaqatigiissutit tunuliaqutaralugit taarsigassarsisitsisarnermik aqutsinermut tunngatillugu ilinniagaqarnerisutit pillugit malittarisassanik arlalinnik Grønlandsbankenimut suliakkiisoqarpoq, taamatullu aamma Danmarkimi Kalaallit Illuisa imminnut ingerlasut ilinniartunut Kalaallit Nunaata avataani ilinniakkamik ingerlatsisunut tunngatillugu ilinniagaqarnerisutit pillugit malittarisassat ilaat aqutaralugit. Aalajangersakkap oqaaseqaataani ima allassimasoqarportaaq, isumaqatigiissutit annertussusiata sapinngisamik erseqqissuutinneqarnissaa, piginnaatitaaffiit sorliit kimullu suliakkiutigineqarsimanersut, taamatullu suliakkinneqarneq aalajangiisinnaatitaanermik tunniussinermik nassataqarpat suliffeqarfik namminersortoq il.il. suliat suliarineqartarnerat pillugu inatsimmut ilaatinneqassaaq.

Aalajangersagaq maani pineqartoq, inatsit § 27, imm. 1 aamma 3 Inatsisartut peqqussutaat nr. 5, 14. november 2004-meersoq, ilinniagaqarnerisuteqarnermut

tunngasoq, 2006-imi atuuttoq, taamanikkut Naalakkersuisuusunit, ilaatigut illit ilinniartitaanermut naalakkersuisuuninni, Kalaallit Nunaata avataani ilinniarnissamut ilinniagaqarnersiuteqarnissamut qinnuteqassamaartunut imaluunniit qinnuteqartunut aalajangiigassanut Kalaallit Illuutaat aalajangiisussatut isumaqatigineqarput. Suliassiissutigineqartartut Kalaallit Nunaata Sinniisoqarfiani sulisut sisamaasunit piffissami tassani suliarineqartartut kalaallit illuutaannit suliarineqartalerput. Kalaallit Nunaata avataani ilinniaqqinnissaminnut qinnuteqartartunut, aalajangiisinnaanermut pisinnaatitaanertaqanngitsumik, kalaallit illuutaat tamanna tikitsinnagu siunnersuisuupput.

Tamanna tunngavigineqarluni Kalaallit Nunaata avataani ilinnialeqqittussat ilinniagaqarnersiuteqarnissaanut qinnuteqaatit tamarmik Kalaallit Illuutaannit aalajangerneqartarput, ilinniarnermi taarsigassarsianut immikkullu akuersissutinik qinnuteqaatit, Ilinniartitaanermut, Kultureqarnermut, Timersornermut Ilageeqqarnermullu Naalakkersuisoqarfimmit suliarineqartartut minillugit. Kalaallit Illuutaasa aalajangiinerannut tunngasut naalakkersuisoqarfimmut akisussaasumut maalaarutigineqarsinnaapput. Immikkut akuersissutuliornissamut aalajangiigassanut kalaallit illuutaat suliaqartassapput, ilaatigut allakkatigut akuersissutinik suliaqartassallutik.

Qitiusumik allaffeqarfimmiit kalaallit illuutaannut suliassiissutinut tunngatillugu ilitsersuisinnaatitaanissaq isumaqatigiisummi allaqqavoq. Isumaqatigiisummi allassimavortaaq, Kalaallit Illuutaanni suliassanut ingerlatsineq naalakkersuisoqarfik akisussaasumiit ataavartumik nakkutilliisoqassasoq

#### **Apeqqu 4:**

**“De Grønlandske Huse i Danmark” pisortaqarfittut ingerlappat, tassannga Namminersorlutik Oqartussat sinnerlugit sulianik ingerlanneqartunut aalajangiisinnaatitaappat?**

**a. Danmark-imut nunanulluunniit allannut ilinniariassagaanni, qanoq ilinerani “De Grønlandske Huse i Danmark” pisortaqarfittullu assigisaanillu iliuseqarsinnaalertarlutik sullissisunngortinneqartarpat?**

**Akissut:** Kalaallit Illuutaasa Namminersorlutik Oqartussanit inatsisitigut avataani inissisimasutut, atorfinitsitsisarnermi tunngaviusut aallaavigalugit, Kalaallit Illuutaani atorfeqartut kukkussutaanut sumiginnaaneranullu mianersoqqusinnaanngillat, takuuk akissut nr. 2-mi ilanngunneqarsimasoq. Suliassat taamaattut Kalaallit Illuutaasa pisortaasa suliassarai.

Naammagittaalliuteqarnissamut tunngasunut ilisimatitsissutigineqassaaq, ilinniagaqarnersiutinut tunngatillugu Kalaallit Illuutaannit aalajangerneqartut, Ilinniartitaanermut, Kultureqarnermut, Timersornermut Ilageeqqarnermullu Naalakkersuisoqarfimmut naammagittaalliutigineqarsinnaammata, takuuk ilinniagaqarnermut inatsit § 34, imm. 4.

#### **Apeqqu 5:**

**Pisortaqarfiit oqartussaaffiginngisaannik, kisianni pisortaqarfittut sulianik sullissisinnaasunik piusoqarnera naapertuuttut Naalakkeruisuniit isigineqarpa? Tunngavilersuutaat apeqqutigineqarpoq.**

**Akissut:** Aallaqqaasiullugu oqaatigineqassaaq, suliassanik isumaginninnissaq pisortanit nakkutigineqartussatut suliassaqaqfimmilu ilitsersuinissamik piginnaatinneqarmat, atugassarititaasut kalaallit illuutaatalu aalajangiinerannut Namminersorlutik Oqartussanut naammagittaalliutigineqarsinnaammata. Kalaallit Illuutaat suliassanut isumaginninnerminni ingerlatsinermi inatsisini malittarisassat malinneqarnissaanut piginnaatinneqarput. Tamatuma saniatigut, Kalaallit Illuutaanni ilitsersuisut ataavartumik suliat aallaavigalugit oqaloqateqarluni imaajartinnissamik ilitsersorneqarnissamillu naalakkersuisoqaqfimmil akisussaasumiit periarfissaqartinneqassapput, suliamik suliarinninnissamat, ilinnialernissaminnut qinnuteqartut inatsisitigut inissisimanerat peqqissaartumik sularisinnaaqqullugit, taamatullu ilinniagaqarnersiutinut malittarisassanut tunngatillugu pikkorissarneqartarnissaat.

Kalaallit Nunaata avataani ilinnialernissaminnut qinnuteqartunut, 2006 sioqqullugu aalajangiisinnaatitaanermut pisinnaatitsissuteqanngikkallarmat, Kalaallit Illuutaaniit ukiorpaalunni siunnersuineq ingerlanneqareerpoq. Aalajangiisinnaatitaanermut pisinnaatitsissuteqalernerq pisariillisaanernut pitsanngorsaanermillu tunngavissaqassanganneqarpoq, tassungalu siunnersuinernut tunngasunik suliaqartartunut siunertaqartinneqarluni. Tamatuma saniatigut nalinginnaasuuvoq suliassat sumiiffinni ingerlanneqartarnissaat, taamatullu ilinnialernissaminnut qinnuteqartunit tikinneqariaannarniissallutik.

Inussiarnersumik inuulluaqqusilluta



Peter Olsen